

## Script of Morning Gojri News Bulletin 20 November 2024 at 1015Hrs

مارننگ گو جری نیوز بلیٹن مو رخہ 20 نومبر 2024

\*\*\*\*\*

یوہ آکا شوانی جموں ہے محمد اکرم چودھری تیں خبر سُنو۔

Pm G 20 Address

وزیر اعظم نریندر مو دی نے سب واسطے صاف ستھرا زیادہ پائیدار مستقبل نانہہ یقینی بنان غی کوششاں نانہہ تیز کرن غی اہمیت نانہہ اُجاگر کیو۔ وزارت خارجہ غا ترجمان رندھیر جیسوال نے کہیو ہے جے جناب مو دی نے پائیدار ترقی ور جی 20 چوٹی کانفرنس غا تیجا اجلاس مانہہ برازیل غا ریو ڈی جیناریو مانہہ گذشتہ روز شرکت کی۔ جت اُن نے کہیو جے ترقی اور توانائی غی منتقلی جت قابل تجدید توانائی غی صلاحیت 2030 تک توانائی غی کا رکر دگی غی شرح نانہہ دُگنو کرن واسطے چایا گیا اقدامات غی وضاحت کی۔ اس دوران وزیر اعظم نے برازیل غو دورو کامیابی نال مکمل کرن غے بعد گیانہ پُج گیا ہیں۔ واضع رہ جے گیانہ غو دورو 1968 غے بعد بھارت غا کسے وی وزیر اعظم غو پہلو دورو ہے۔

\*\*\*\*\*

LG 370

جموں کشمیر مانہہ دفعہ 370 غے متعلق بحث نانہہ ختم کرن غی کوشش کرتاں واں لیفٹنٹ گورنر منوج سنہا نے کہیو ہے جے جموں کشمیر مانہہ دفعہ 370 نانہہ بحال کرن غی گل بات غیر متعلقہ ہے کیونکہ عدالت اعظمی نے آئینی طور ور اُس غی منسوخی نانہہ برقرار رکھیو ہے۔ گذشتہ روز گاڑی پور مانہہ ذریعہ ابلاغ نال گل کرتاں واں ایل نے مزید کہیو جے ات اک جمہوری حکومت نے حلف چایو ہے اور یقین ہے کہ واہ خطہ غی مجموعی ترقی واسطے کم کرے گی۔

\*\*\*\*\*

CM Estates

وزیر اعلیٰ عمر عبداللہ نے محکمہ اسٹیٹ نانہہ کہیو ہے جے وہ اگلا 15 بہراں واسطے درکار سہولیات غو موثر تعین کریں تے زور پایو جے پائیدار ڈھانچہ واسطے اک کرایا دار ور مینی نظام مانہہ تبدیلی لیاں غی لوڑ ہے۔ محکمہ غی اک جائزہ میٹنگ غی صدارت کرتاں واں کہیو ہے جے پروجیکٹاں غی تعمیر آلے پاسے توجہ مرکوز کی جا ئے۔ میٹنگ غے دوران وزیر اعلیٰ نے محکمہ نانہہ ہدایت کی جے وے جموں تے کشمیر دوہاں صوباں مانہہ جائداد ور قبضاں تے اثاثاں غی فہرست تیار کریں۔ اور ان غی فراہمی مانہہ ضابطاں غے مطابق طریقہ کار ور عمل کیو جائے۔ اُنہاں نے رہائش آلات کرن واسطے شفافیت تے جوابدہی نانہہ یقینی بنان واسطے الاٹ منٹ گا مضبوط ضابطہ واسطے وی کہیو۔ اس تیں علاوہ اُنہاں نے خستہ حال اثاثاں غی مرمت واسطے منصوبو بنان غی وی ہدایت کی۔

\*\*\*\*\*

Agriculture

شیر کشمیر یونیورسٹی برائے ذراعت سائنس تے ٹیکنالوجی جموں 4 روزہ قومی ذراعت اجلاس 2024 غی اچ توں میزبانی کرن جا رہی ہے۔ اس اقدام غو مقصد کساناں نانہہ علم اور آلات تیں آراستہ کرانہ ہے تا کہ وے ہائی ٹیک حل اپنا سکیں۔ پیداواری صلاحیت نانہہ بہتر بنا سکیں نال نال عالمی ذریعی لکاراں نال نمڑ سکیں۔ آکاشوانی جموں

غا نامہ نگار نے اطلاع دتی ہے جے جموں کشمیر، پنجاب، ہماچل پردیش، ہریانہ،  
اُترکھنڈ اور مرکزی غے زیر انتظام علاقہ تیں تقریباً 15 ہزار شرکاء غی اجلاس  
مانہہ شرکت متوقع ہے۔  
\*\*\*\*\*

## Train

ریلوے غا وزیر مملکت رونیت سنگھ نے کہیو ہے جے دہلی توں کشمیر کٹڑہ توں ہوتاں  
واں ریل خدمات اگلے سال جنوری مانہہ شروع ہون غو امکان ہے۔ آکاشوانی جموں غا نامہ  
نگار نے اطلاع دتی ہے جے وزیر موصوف کٹڑہ ریا سی ریل سیکشن غا جائزہ واسطے  
گذشتہ روز ریا سی مانہہ تھا۔ قابل ذکر ہے جے ریلوے پہلاں ہی کشمیر توں ریا سی تک  
دُنیا غا بلند ترین پُل غے ذریعے کامیاب ٹرائل کر چکی ہے۔ تے اس مانہہ صرف 20 کلو  
میٹر غو حصو زیر التواء ہے۔ جس ور کم آخری مرحلہ مانہہ ہے اور دسمبر 2024 تک  
مکمل ہون غی اُمید ہے۔ تے جنوری 2025 غا پہلا ہفتہ مانہہ ریل خدمات شروع ہو جائیں  
گی۔  
\*\*\*\*\*

## Minor Driving

ڈائریکٹوریٹ اسکولی تعلیم جموں نے کہٹ عمر غا طالب علمان مانہہ گڈیں چلان غی  
بدھ رہی بدعت واسطے خبردار کیو ہے۔ ڈائریکٹوریٹ غی طرفوں جاری اک سرکولر  
مانہہ سرکاری تے نجی اسکولان غے نال نال کو چینگ مرکزان مانہہ کہیو گیو ہے جے  
وے اس گل مانہہ یقینی بناویں جے کہٹ عمر غا وے طالب علم جہیڑا دو پہیہ یاہ 4 پہیہ  
گڈیں لے غے آویں اُن مانہہ اداران مانہہ داخل نہ ہون دتو جائے۔ اس تیں علاوہ تمام  
اسکولان مانہہ ہدایت کی گئی ہے جے سڑک سیفٹی تے اسکول سیفٹی کلب بناویں تانجے  
طالب علمان مانہہ بیداری پیدا کی جا سکے۔  
\*\*\*\*\*

اس غے نال ہی خبراں غو یوہ بلیٹن ختم ہوؤ۔